



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Komisija za ljudska prava imigraciju, izbjeglice i azil

Broj: 01/511-399/01.

Sarajevo, 06. jula 2001.

ZAPISNIK

sa 6. sjednice Komisije za ljudska prava, imigraciju, izbjeglice i azil,
održane 06. jula 2001. godine

Sjednici Komisije prisustvovali su: Osman Brka, Miloš Jovanović, Miro Grabovac – Titan, Violeta Kamberović, Mustafa Cuplov, Muhamed Begović, Omer Filipović i Dušan Stokić. Opravdano je odsustvovala g-đa Bahrija Osmanović.

Ispred predlagača sjednici je prisustvovao Mario Nenadić, pomoćnik ministra za ljudska prava i izbjeglice.

Sjednica je imala sljedeći

DNEVNI RED:

1. Usvajanje zapisnika sa 5. sjednice Komisije,
2. Razmatranje amandmana na Prijedlog zakona o izmjenama i dopunama Zakona o izbjeglicama iz BiH i raseljenim osobama u BiH,
3. Razmatranje Informacije u oblasti imigracije i azila.

Ad – 1.

Zapisnik sa 5. sjednice Komisije usvojen je jednoglasno.

Ad – 2.

Predsjedavajući Osman Brka u uvodu je podsjetio Komisiju na amandmane koje je on podnio na Prijedlog zakona, a koje je Komisija na prethodnoj sjednici prihvatila, te obrazložio potrebu da Komisija ponovo razmatra iste shodno stavu predstavnika predlagača zakona iznesenom na sjednici Doma, da amandman I izaziva nesklad u članu

3. Prijedloga zakona, kao i da ne privhata amandman II zbog nemogućnosti obezbjeđivanja sredstava za naknadu povratnicima kako se amandmanom predlaže.

Predsjedavajući Brka je insistirao na amandmanu II na član 5. Prijedloga zakona, rekavši, pored ostalog, da se mogu iznaći potrebna sredstva i da bi država morala da se potruži da pomogne povratak i učini ga održivim.

U diskusiji u vezi s stavom predlagača i o amandmanima učestvovali su svi prisutni članovi Komisije.

Članovi Komisije iz Federacije BiH u diskusiji su podržali prethodno prihvaćene amandmane, sa naglaskom da bi država morala pomoći realizaciju Aneksa VII Opšteg okvirnog sporazuma za mir u Bosni i Hercegovini. Na drugoj strani, članov Komisije iz Republike Srpske zastupali su stav da bi trebalo amandman II temeljitije razmotriti i tačno znati odakle će se i ko će obezbjeđivati sredstva za povratnike ako bi se zakonom stvorila takva obaveza.

Poslije diskusije obavljeno je glasanje o amandmanu II. Isti je usvojen sa 6 glasova ZA i 2 protiv.

Zbog stava predlagača zakona da je amandmanom I izazvana neusklađenost u članu 3. Prijedloga zakona, Komisija je, na prijedlog predlagača, usvojila novi amandman na član 3. koji glasi:

"Član 6. mijenja se i glasi:

U odnosu na nadležnost organa vlasti u Bosni i Hercegovini izbjeglica iz Bosne i Hercegovine prestaje biti izbjeglicom iz BiH:

- a) dobrovoljnim povratkom u ranije prebivalište,
- b) ako je dobrovoljno na osnovu sveobuhvatnih i objektivnih informacija bitnih za izbor mjesta prebivališta odlučio da se trajno nastani u drugo prebivalište u BiH ili se trajno nastani izvan BiH.


Izbjeglica iz BiH koja se vratila u Bosnu i Hercegovinu, a nije se ponovo nastanila u ranije prebivalište ili nije izvršila izbor drugog prebivališta u BiH može ostvariti status raseljene osobe na način uređen zakonima Entiteta".

Ad – 3.

Komisija je jednoglasno prihvatila Informaciju Vijeća ministara o stanju u oblasti imigracije i azila i konstatovala da je dobro što se pred Predstavničkim domom našla jedna ovakva informacija u kojoj je na jednom mjestu sagledana i sumirana problematika iz oblasti imigracije i azila, te usvojila prijedlog da Dom prihvati Informaciju sa prijedlogom mjera koje su u istoj navedene.

SEKRETAR KOMISIJE

Rajka Stanišić



PREDSJEDAVAJUĆI KOMISIJE

Osman Brka

